

رحلة الغفران تفاحه

خلص كل الكلام ولابقي غير القصيد اعتاب
نشف وجه الجراح ولابقي غير السهر راحه
سلامات تطولك لاتجيني خايف مرتاب
ترى لك وحشه مثل الظلام ان مات مصباحه
ترى لعيوني اكثر من صديق وللخفوق احباب
اشوفك تختصرهم في خفوقي يااول جراحه
على هونك .. ترفق ياشتاي البارد الكذاب
تراها.. قفلتين .. الطعنتين ان قلت ذباحه
بشوفك .. بلمحك .. بتذكرك لاغابو الغياب
وأبا اصرخ من حشاي ورحله الغفران تفاحه
ألا ياكبرها وانتي وانا واثنين الاغراب
على قلب خسائر غيرته في ذمه ارباحه
رهنت لغيبتك ظل نحيل ودمعتين وباب
على قلبي قفلته والوفاهمه ومفتاحه
تفضل نعمه النسيان ما ابغي لابتعدت اصحاب
عطاياك القديمه والجديد الياس وارماحه
بقي طيف باحرسه في عيوني لك عليه اهداب
ولاني حاجبه ياوجهته لاهدك مرواحه
خلص كل الكلام اهديت لك لون الوداع واخضاب
مهر كف دفاهم من عذاب مصافحي راحه

نايف صقر

هو حزن لكن حزين !

يقولون الشعر قدح الخيال وطلقة التفكير
انا اقول الشعر برق الصحيح ومزنة أفكاره
رشيق الحرف والمعنى العميق وروعة التعبير
بيع الشعر واشجار الربيع وريحة أزهاره
على روض الورق حامت عصافير ونبت نوير
عد ماجفت دموع الغمام وجتني اخباره
سمعت اني على باله ويذكر عشتري بالخير
هو ماغاب عن بالي ولا قد هان مقداره
سرابي هاجس الذكرى ولاني بحاجة التذكير
أني عايش أصلاً بلاه بروح تذكاره
إذا هو يذكر ايام الغرام ويشتكي للغير
انا ماغير افكر به وصدري، حافظ اسراره
واذا هو صار بفراقي قصيده مابها تصوير
انا لالزت، بفراقه لحن من دون قيثاره
حزن ما هو حزن لكن حزين ومالها تفسير
ريب ولا غريب الا غريب داخل دياره
الى من قالوا شلونك أحمد الله واقول بخير
دام صاحبي يذكر وأنا لالزت باشعاره
يقولون الشعر قدح الخيال وطلقة التفكير
انا اقول الشعر برق الصحيح ومزنة أفكاره

خلف المشعان

